

Lauf Forks ehf
Grandagarður3
101 Reykjavík

Garðabær, 7. maí 2025
202504-0017/P.V.B.
09.04.00

Efni: Leyfi fyrir viðburðahaldi á friðlýstum svæðum - Hjólreiðakeppni The Rift 2025- Friðland að Fjallabaki

Náttúruverndarstofnun hefur móttengið umsókn Lauf Forks ehf, dagsett 1. apríl 2025, um leyfi til viðburðahalds innan friðlandsins að Fjallabaki.

Friðland að Fjallabaki er friðlýst sbr. [auglýsing nr. 354/1979](#). Mannvirkjagerð, efnistaka og annað jarðrask innan friðlandsins er óheimilt nema með leyfi Náttúruverndarstofnunar. Óheimilt er að skemma gróður, trufla dýralíf að óþörfu og hrófla við bergmyndunum. Kvikmyndataka, ljósmyndun og viðburðir sem hafa í för með sér hættu á jarðraski, truflun dýralífs, umferðar eða upplifun annarra gesta er háð leyfi Náttúruverndarstofnunar skv. stjórnunar- og verndaráætlun svæðisins. Óheimilt er að fljúga fjarstýrðum loftförum (dróna) innan friðlandsins á tímabilinu 15. júní – 15. september nema að fengnu leyfi Náttúruverndarstofnunar skv. stjórnunar- og verndaráætlun svæðisins.

Lýsing verkefnis:

Sótt er um leyfi til að halda hjólreiðakeppni sem fer um Friðland að Fjallabaki, sem hluti af heildarkeppnisleið, þann 19. júlí 2025. Keppnin hefst og lýkur á Hvolsvelli. Starfsmenn keppninnar verða 30 en keppendur verða um 1200 talsins og gert er ráð fyrir að þeir verði komnir inn á friðlandið um kl. 9:00 og verði innan þess til kl. 17:00. Leiðin sem farin verður er á vegum og leyfðum hjólaleiðum. Leiðin verður rmerkt daginn áður en keppni hefst. Drykkjar- og skiptistöð verður sett upp við það yfir Rauðufossakvísl þar sem þrír starfsmenn keppninnar halda utan um. Stöðin samanstendur af einu tjaldi sem er 3x3m að stærð, borði og aðföngum. Notaður verður dróni til að mynda keppendur á keppnisleiðinni milli kl. 8:00 og 14:00. Kort og hnit af leiðinni ásamt upplýsingum um fyrirkomulag allrar keppninnar fylgdi umsókninni.

Áhrifamat:

Náttúruverndarstofnun metur viðburðinn ekki líklegan til að hafa neikvæð áhrif á náttúrufar eða verndargildi friðlands að Fjallabaki. Viðburðurinn mun þó valda tímabundinni truflun á upplifun annarra gesta vegna mikillar umferðar á vegum á meðan keppni stendur. Stofnun

metur að hægt sé að draga úr neikvæðum áhrifum á upplifun annara gesta sé farið eftir skilyrðum leyfisins.

Skilyrði:

Náttúruverndarstofnun veitir Lauf Forks ehf fyrir sitt leyti leyfi fyrir að halda hjólreiðakeppni innan Friðlands að Fjallabaki sbr. lýsingu hér að ofan og þeim gögnum sem fylgdu umsókninni þann 19. júlí 2025 að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Náttúruverndarstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Náttúruverndarstofnun í síma 556-6800.
- Auglýsa skal hjólreiðakeppnina vel og upplýsa gesti á svæðinu að um tímabundna truflun sé að ræða í friðlandinu á meðan á hjólreiðakeppninni stendur.
- Virða skal umgengisreglur sem gilda um svæðið.
- Allur akstur utan vega er bannaður og skulu starfsmenn sem koma að keppninni einungis aka eftir merktum vegum.
- Keppendur skulu einungis hjóla eftir þeim vegum sem tilgreindir voru í umsókninni. Óheimilt er að hjóla utan vega og stíga í friðlandinu.
- Keppnisleiðin skal vel merkt við gatnamót og meðfram leiðinni til að aðrir gestir friðlandsins séu upplýstir um hana.
- Stjórnendur og starfsmenn hjólreiðakeppninnar skulu vera auðkenndir s.s. í merktum fatnaði.
- Starfsmenn og keppendur skulu ganga snyrtilega um svæðið og forðast allt rask og tryggja skal að allur úrgangur verði fjarlægður.
- Stjórnendur viðburðarins skili til Náttúruverndarstofnunar, a.m.k. viku áður en hann hefst, áætlun um það hvernig staðið verði að framkvæmd hans. Í áætlun skal m.a. koma fram, fjöldi þátttakenda og hvernig staðið verði að frágangi að viðburði loknum.
- Aðstandendur viðburðarins tryggi að ekki verði skilinn eftir neinn úrgangur á víðavangi. Einnig að tryggt verði að merkingar og munir sem notaðir voru í tenglum við viðburðinn verði fjarlægðar strax að viðburði loknum.
- Þátttakendur taki tillit til annara gesta svæðisins og tryggi að viðburðurinn valdi eins litlu ónæði og hægt er.
- Þess skal gætt að hjólreiðakeppnin hamli ekki umferð annarra gesta innan friðlandsins.
- A.m.k. 24 klst áður en keppni hefst skal koma fyrir merkingum við upphaf og endastöð keppnisleiðar innan friðlandsins þar sem gestir svæðisins eru upplýstir um fyrirhugaðan viðburð.

- Nákvæm staðsetning drykkjarstöðvar og salernisaðstöðu skal valin í samráði við Umhverfisstofnun. Skal aðstaðan vera vel afmörkuð til að takmarka stærð þess svæðis sem verður fyrir raski.
- Hámarksfjöldi þátttakenda í keppninni verði ekki meiri en 1200 manns.
- Óheimilt er að trufla dýralíf, raska gróðri og jarðminjum.
- Aldrei skal fljúga ómönnuðu loftfari í nágrenni og yfir fólki og forðast skal að trufla friðsæld svæðisins og upplifun gesta, öryggi þeirra og persónuvernd eins og hægt er.
- Flugtíma skal haldið í lágmarki.
- Stjórnandi/eigandi hins ómannaða loftfars ber ábyrgð á loftfarinu á svæðinu, að það skaði ekki fólki, dýralíf, eða náttúruna og það skilji ekki eftir sig varanleg ummerki á neinn hátt. Ekki skal skilja eftir hluta loftfarsins á svæðinu heldur finna og endurheimta loftfarið og alla hluta þess ef það brotlendir eða bilar.
- Af öryggisástæðum skal sá sem stjórnar ómönnuðu loftfari klæðast merktum fatnaði svo hægt sé að auðkenna viðkomandi.

Ef leyfishafi veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Náttúruverndarstofnun t.d. lagt fyrir leyfishafa að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Náttúruverndarstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Náttúruverndarstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Náttúruverndarstofnun mælist til þess að taka skuli á loft og lenda ómönnuðu loftfari í öruggri fjarlægð frá gestum svæðisins skv. reglugerð um ómönnuð loftför nr. 1360/2024

Að öðru leyti skal haga flugi ómannaðra loftfari í samræmi við reglugerð nr. 1360/2024, um starfræskju fjarstýrðra loftfara.

Náttúruverndarstofnun bendir á að allir rekstraraðilar dróna verða að skrá drónana hjá Samgöngustofu á vefsíðunni flydrone.is.

Leyfi Vegagerðarinnar, lögreglu og sveitarfélags gæti þurft fyrir verkefninu.

Umhverfisstofnun vekur athygli á því að hluti leiðarinnar sem á að hjóla hefur verið í slæmu ástandi undanfarin ár. Í ljósi mikils fjölda keppenda er mikilvægt að keppendur haldi sig inni á leiðinni þrátt fyrir slæmt ástand til að marka ekki för í umhverfi vegarins. Versti kaflinn er þar sem farið er niður brekkuna á Krakatindsleið, rétt áður en komið er inn á Dómadalsleið (F225).

Leyfisgjald:

Náttúruverndarstofnun hefur nú innheimt gjald fyrir vinnslu og afgreiðslu umsókna um leyfi á friðlýstum svæðum sbr. 1. mgr. 92. gr. laga nr. 60/2013 um náttúruvernd. Gjald fyrir umsókn um starfsemi, viðburði, rannsóknir og athafnir er kr. **62.400.** sbr. 7. gr. a. gjaldskrá Náttúruverndarstofnunar nr. 354/2025.

Eftirlit:

Náttúruverndarstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Náttúruverndarstofnun.

Daníel Freyr Jónsson
svæðissérfræðingur

Pórdís Vilhelmína Bragadóttir
sérfræðingur